

ANTONII

IVSTINIANI ROCCA

TALIAE AD BENEDI.

CTVM RVSCAM

SCRIBA

33364

CVIVSDAM SCRIBAE SVM-

NIVM AD NICOLAVM ZI.

GNAIGVM EODEM

AVTORE.

BELLONA



GENVAE.



*Hieronymo Pallavicino Coronato, Et  
Vincentio Grillo biscoto Anto-  
nius Iustinianus Rocca  
taliata. S.*



**S**cripsi superioribus mensibus amicorū  
suavissimi sermones hos, quos cū Bene-  
dicto Franciscus habuit: illosq; domi reti-  
nere decreueram, & in lucem exire mini-  
me pati. Nec deerant causæ, & quidem  
multæ, ad id animum meum compellentes.  
Nam primum quod inter ioca factum fue-  
rat, tanquā serio factum omnibus demon-  
strare equum esse non putabam: non quod  
laudes a me scribis attributæ, illis non se-  
rio, sed ioco competerent: sed quia tanta  
erat scribarum, eorumq; artis excellentia,  
& præstantia, quod fieri non posse clare  
videbam, hominem licet facundissimum,  
laudes eorum omnes animo cōprehendere.



ne dum lingua exprimere, & calamo scribere posse. Quod ego animo voluens, & scribarum laudes cōprehendere posse diffidens, quasi ioco id agebam. Postremo non parum me terrebat horatiana lex, quæ quod scriptum est in nonum præmi annum iubet, nihilq; homines adere, nisi quod multa dies, & litura cohercuerit, atq; ad unguem perfectum decies castigauerit. Nam ego scribam hunc, ne dum in nonum annū, sed nec in nonum mensem, apud me retinueram. Tamen unica tantū ratio (multas alias premitto) sententiam meam mutare potis fuit. Cum enim viderem tabellionis artem ad imum, nostræ Urbis artium ruere locum, multosq; nostri temporis scribas, & si doctissimos, labentem non adiuvare, non potui aliquid non scribere: ut saltem alios, qui meliora scribere possunt, aliquantulum expergiscerem. Acces-

dit ad hæc, quod cum ego frigidulos hos meos (ut poetice loquar) labores, tum ipsi benedicto, tum Ioanni nostro legendos dederim, hi me ad illos in lucem proferendos magnopere hortati sunt, & ab hortationibus ad præces continuas descenderunt. Quis enim consanguineo, amicoq; talia petentibus, abnuisset? Quapropter quod proposueram mutare necesse fuit, & has studiorū meorū primitias, quales quales sint, edere. Cumq; iam deliberatus animo voluerem, cui nam eas dedicarem, vos præ ceteris occurristis. Cui enim scribarum laudes, potius quā scribis, scribēda sunt? et quis scribā potius quā scriba defendet? Pro cōperto enim habeo, cum primum in lucem exierint, multos illarum, futuros esse non æquos iudices, imo potius maleuolos calumniatores. Nam quosdam (hi vobis notis sunt) vivere scio, in quibus licet ab omni-



bus mendacium, falsitasq; in exiliū relegata esset, reperiretur, incontinentia, inconstantia, & pessimis moribus coniuncta, & (quod omnibus alijs potius quam ipsis conuenit) maledictia, sui ipsius exaltationi, & gloria, & ceterorum omnium vilipendio. At ego Voces illorum omnes nihili faciam, tantumq; humanas scribarum sententias expectabo, qui horatium illud legerunt, & quandoq; bonus dormitat homerus. Sed ne me iam victum putent, illud sciant, non licere ipsis iure scripta mea reprehendere, nisi prius & ipsi scriptum aliquod edant, quod similiter ego reprehendere possim, si reprehensione dignum erit, tunc enim clarissime ab omnibus videbitur, uter nostrum acriori reprehensione dignior sit quod nunc videri nequit. Ceterum quantum ad me attinet scribarum laudes ita descripsi, ut

propter ingenij mei imbecilitatem, reiq; magnitudinem, & temporis breuitatem, neq; ornatius dicere, neq; clarius explicare possem, vos autem scribam meum, (qui vestro nomine insignitus se videri pmit-  
tet, ut tutius faciliusq; undecumq; eua-  
dat) accipite, amoris, beneuolentiaq; nostrae pignus, illumq; vestrum (nam amicorum communia sunt omnia) defendite,  
valete ex adibus nostris Sexto Calen-  
das Iunij Anno a deipara Vir-  
ginis partu.

M. D. LVI.

A iiij



# VINCENTII GRILLI

BISCOTI AD LE-  
CTORES.

**M** Agnos qui orditur præclara Ianidos arte  
Libros, hæc nobis munera parua dedite  
Quiq; etiam potuit corforum ordine cruenta  
Bella, & magnanimùm fortia facta virum,  
Terribilesq; acie milites, belliq; labores,  
Nunc scribas omnes scribere iure docet.  
Accipite at scribam mente hunc, animoq; quietis,  
Illa expectantes maxima, nãq; sua,

## PRAEFATIO AD SCRIBAS.

**D**VO hominum genera à summis phi-  
losophis numerata sunt, quorum post  
corporis mortem, vitam ingredientibus ani-  
ma, sursum feruntur, beatitudineq; fruū-  
tur, & caelesti habitaculo: Alterum nempe  
Philosophi sunt, qui rerum diuinarum sa-  
pientiam sequentes, superna mentis acie

requirunt, & sagaci diligentia comprehē-  
dunt, & quantum viuētis perspicuitas  
præstat, imitantur, quiq; mundum istum,  
& omnia quæ mundo insunt, diuinorum  
contemplatione despiciunt, omnemq; ani-  
mae cogitationem in sola diuina dirigunt:  
Alterum vero ciuitatum moderatores,  
qui sui primùm, deinde rerum publicarū  
rectores sunt, urbes tuentur, ciuium salu-  
tem, humanaq; omnia gubernant, socios  
providentia protegunt, & iusta liberalita-  
te deuinciunt, humanisq; actibus prouidēt  
virtutibus, tãquã diuinis arbitris, nec ca-  
lestia deferunt. Sed nos merito tertiu adiu-  
gere possumus nobilissimū genus hominū,  
scribas scilicet: ipsi nãq; partes habēt prio-  
res, pfectioresq; quàm Philosophi, quàm  
ciuitatū moderatores. Si enim nō ydē sunt  
Philosophi, & ciuitatum rectores, eorum  
utriq; virtutes aliquas habēt, quas alteri



minime, scriba autē omnes amborū virtū-  
 tes: restat quod scriba beatiorē vitā agāt,  
 faciliusq; in cælum tendant, ipsi quoniam  
 Philosophi sunt, nam sapiētes, & ciuitatū  
 rectores, nam tota fides qua homines inter  
 sese coniuncti sunt, vrbes regūtur, omnes  
 magistratui parent, ab his proficiuntur.  
 Nec hoc eo fieri non posse credendum est,  
 quod alteri eorū nihil pendāt id, quod alte-  
 ris necessariū est: ut sunt diuitiæ quibus ca-  
 rens cōtēplatiuus perfectus esse potest, acti-  
 uus vero minime: liberalis enim absq; diui-  
 tijs esse nequit. Nam scriba qui medius est  
 inter actiuū, & cōtēplatiuū, potest ita  
 vnius ad alterius virtutes accōmodare,  
 ut uterq; sit, & nullū deferere videatur.  
 Quare ab omnibus nobis potissime curādū  
 est, ut veri euadamus scribæ, nā viuētes  
 deū interris imitabimur, & mortui dei  
 cōtēplatione fruēmur.

ANTONII IVSTINIANI  
 ROCCATALIATÆ AD BENE-  
 DICTVM RVSCAM  
 SCRIBA.



VDIVISTI sepius Benedicē-  
 rusa tum me, tum plures alios, tum  
 præcipue Franciscum tuum, (scis  
 quem dico) nobilissimam scribarum  
 artem, aduersus calumniatores in-  
 stantes acriter, illamq; contemntes,  
 vituperantes, & inuidiam ad popu-  
 lum adducentes, defendentem, & plu-  
 ribus argumentis demonstrantem,  
 illam non in infimas, (ut ipsi volebant) sed in præstantissi-  
 mas, & nobilissimas, nedum vrbis nostrę, sed totius terrarum  
 orbis artes, & scientias, ascribendam esse, illisq; annumerandā.  
 Idq; non semel, & aduersus vnum, sed pluries, & aduersus  
 plurimos, tum praua opinione inductos, tum captiosis rationi-  
 bus ascriptos, & non iisdem semper argumentis, & rationi-  
 bus, at nunc vna, nunc alia, quæ potissima tunc illi mihiq; suc-  
 curbat. Sed cum hæc nullo pene ordine audiuissem, petiisti a  
 nobis, ut cum a quotidianis nostris curis, & negotijs aliquid  
 otij nacti essemus, omnia, quæ ad tabellionum, notariorumq;  
 artem pertinentia confuse audiueras, ordine distributa tibi re-  
 plicaremus: Quod illi gratissimum fuit, quodq; libentissime fa-  
 cere promisit. Et Ideo præteritis diebus, dum omnibus infa-  
 niendi tempus esse videretur, & nos a negotijs vacui essemus,  
 ac annuente, & petente quod promiserat executus est, & om-



nia quæ ad tabellionum defensionem, & laudem pertinere p̄-  
cauit, illi succurrerunt, me presente, tibi quo potuit ordine  
narravit: tibi inquam, qui accusatoris, & calumniatoris per-  
sonam inductus fueras, non quod artis nobilissimæ calumniator  
esses, nec quod de ea optimè non sentiret: sed ut illi plura te ad-  
iuuante succurrerent, & ut omnia in artem argumenta, quæ  
adiueras, confutare posset, si eorum omnium non meminisset.  
Quare cum ferè omnes iocis, saltationibusq; indulgerent, vos  
hec tractauistis, & locuti estis: quamq; facile Franciscus no-  
tarios defenderit, argumentaq; aduersariorum in ipsos retor-  
querit, quamq; facillimè & iustissimè nobilitatem, decus, ex-  
cellentiamq; aut potius, (hoc tandem dicere audeam) diuinita-  
tem artis huius ostenderit scis. Quæ tanta te affecerunt dele-  
ctatione, & gaudio, ut tuis precibus, aut illa iterum me tibi  
replicare, aut (quod tibi gratius futurum erat) literis mandare  
premierim. Sed nullum postea tempus nobis datum est à ne-  
gotijs vacuum, quæ de re nec illa tibi replicare, nec literis man-  
dare potui. Nunc autem (nam aliquantulū ocij nacti sumus)  
ut voluntati tuæ morem geram, illa ipsa ad te scribere decre-  
ui, Quod procul dubio non fecissem, nisi arti nostræ aliquo pre-  
fenti remedio opus esse, aut illam breui omnino pessum iturā  
cognouissem. Et licet ego non sperem solus artem nostram  
a maledicorū linguis defendere, & eā humi iacentē, & repētē  
(ut ita loquar) ad cælum tollere, tamen me maligni, & auari  
animi labem fugere posse non diffido: Cum non solum igno-  
minia, & dedecore notentur illi, qui rogati alijs non benefa-  
ciunt, sed etiam illi, qui necessitatē videntes animum suum  
sponte non movent, ad indigentibus opem ferendam. Quod si  
artem nostram nulla alia in re adiuuauero, illud forsam non  
parum erit meis viribus cæteris viam aperuisse. Cum tamen

(licet aduersarij tot tam temere, inepte, & inconstanter  
maledicta proferrent) nihil honori notariorum detraxerent.  
Nam clarè videbatur, illos nimia calumniandi auiditate obce-  
catos, sibi non constare. Cum enim tam importuna, tanq̃ au-  
daci, ac proterua lingua innotarios inuehebantur, manifestum  
erat omnibus, se non aliquo iudicio, sed temerario quodam im-  
petu, in tātam verborum obsænitatem prorumpere. Quorum  
ego dicta fæda, turpia, flagitiosa, & nefanda non referam, sed  
tantum argumenta illa, quæ speciem aliquam veritatis habēt,  
& quæ tu aduersus scribas defendente Francisco protulisti.  
Nec illa prætermittam, ut quæ scribis aliquid noceant, sed quia  
illa ipsa tu non retulisti, & ne te, aliosq; his maledictis obtun-  
dam. Nam quantum ad scribas attinet, (ut ait phauorinus)  
præstat grauius, & supra modum vituperari, quam exigue  
frigideq; laudari. Qui enim maledicit, & vituperat, quanto id  
acerbius facit, tanto magis se inimicum ostendit, & propte-  
rea non meretur fidem, sed qui ieiunè, & exigue laudat ami-  
cus quidem videtur esse eius, quod laudat, sed nihil in eo, quod  
vere laudare possit inuenire. Et, ut facilius quæ dixisti intelli-  
gantur iustioriq; quæ ordine procedant, illa perinde scribam,  
ac si res nunc inter vos ageretur: & te (illius enim personam  
inductus fueras) artis calumniatorē, veritatis ve potius exqui-  
sitorem depingam & hoc modo sermonem inter vos incipiā,  
**BENEDICTVS**, pessima nostra est conditio Fran-  
ciscæ, quod scribas esse querimus, Et quod talem sortiti sumus  
artem, quæ est artium omnium pessima. **FRANCI-**  
**SCVS**. imo optima nostra est conditio Benedicte, quod  
tales fieri studemus, sed quare scribarum ars est pessima?  
**BENE**. Sexcenta sunt argumenta, quibus hoc demonstrare  
possem, at vnū sufficiat, quod serui publici sunt scribæ. Sed



postpositis disputationibus, & ne sermonem tuum interrogā-  
do interrompam, velem, vt ea mihi recitares, & diceres, quæ  
iam promissisti, artemq; notariorum quantisuis & potes extol-  
leres laudibus, Nam si mihi illam demonstraueris, quam de-  
monstrare dixisti, audacius institutū meū prosequar. F R A N.  
ita vt dicis faciam, sed siquid tibi occurret dubij, sane oppor-  
tunum erit, me de illo certiorē reddi, & si aliquid te interro-  
gabo, mihi respondere. B E N E. ab superbi esset Francisce  
hoc non facere. F R A N. sedeamus igitur, nam sedens bo-  
mo quietior est animi, & quiescens animus ( vt inquit Phi-  
losophus ) prudentior est non quiescente. B E N E. sedeamus,  
& si tibi videtur iam incipe. F R A N. antequam de scri-  
bis verba faciamus, necessarium est prius scribam definire, de-  
indiuiderem nam prius quid sit de quo tractaturi sumus, opus  
est intelligere: nec in demonstrando scribam esse immoror, nā  
hoc omnibus notum est: dataq; opera illos dicere pretermitto,  
qui scribas, & notarios, seu tabelliones creare possunt: Licet  
non parua laus notarijs hinc attribui possit. Nam a Summo  
Pontifice Imperatore, regibus, & rerum publicarum patribus  
creantur, quod eorum dignitatem profectō demonstrat priusq;  
fortasse non erit incongruum, artis nostræ finē cognoscere, nā  
cognito fine, facilius alia & cognoscuntur, & intelliguntur:  
cum omnia quæ in arte considerantur, ad artis finem precipud  
dirigantur, cumq; omnium primus finis, & solus moueat agē-  
tem. Artis autem nostræ finis, vt etiam ex postea dicendis cla-  
rissime patebit, fides, & salus publica, priuataq; est. Nam om-  
nes artis actiones, illo tendunt, & diriguntur: & vt iam inci-  
piam, cum omnes artes, & scientiæ ad hominum felicitatem, trā-  
quillitatem, beatitudinemq; causandam inuente sint, vt est om-

nium ferè Philosophantium comunis consensus, illa potissimum  
siue ars sit, siue scientia, ceteris tanto nobilior, præstantior, &  
excellenter est, quanto ad ipsas felicitatem, tranquillitatemq;  
acquirendam, maius hominibus auxilium, maioremq; vtilitatem  
confert. Hinc artem nostram ceteris præstantiorem, nobilio-  
remq; procul dubio, tūm propter ipsam vtilitatem, tūm pro-  
pter artis finem, qui idem ferè cum vtilitate est, probare possu-  
mus. Nam si considerabimus illius finem, qui ( vt dixi ) fides, &  
salus est omnium, videbimus artem ipsam, inter alias, tūm sciē-  
tias, tūm artes splendescere, & vt lunam ( vt horationis verbis  
vtar ) inter minora sydera radios emittere. Licet enim medicina,  
Iurisq; prudentia præstantissimæ, & artes, & scientiæ ab om-  
nibus merito existimantur, existimandæq; sint, tamen, si atten-  
tius artem nostram considerabimus, illam non his inferiorem,  
sed præstantiorem, nobilioremq; inueniemus: nam nobilius est,  
perfectiusq; fidei salutiq; publicæ providere, quæ & sanos &  
egros comprehendit, quod tabellionum ars efficit, quam quo-  
rundam corporis fanitati providere, quod medicina efficit.  
Itemq; nobilius est, iura, legesq; condere, quod tabellionis pro-  
pium est, quam conditas interpretari, quod est iuriconsultorū.  
Præterea ( vt probat Aristoteles in libris, quos de moribus do-  
ctissime scripsit ), illa, & ars, & scientia, nobilissima existiman-  
da censetur, quæ finem distinctum habet ab exercitationibus,  
& actionibus, & cuius finis in nullius scientiæ fine continetur,  
sed tantum in vniuersali omnium scientiarum fine: cuiusmodi  
artis nostræ finis est. Hec minus luce clarius apparebit, artem  
nostram eam esse, quam dixi, si in earum rerum circa quæ  
versatur, considerationem deueniemus. Cum, vt iuste Philoso-  
phis placet, ex maiori, minoriq; materiæ nobilitate, rei nobilitas  
crescat, & diminuat. Nam quid inter mortales fide publica



nobilius in veniri potest: quid rebus illis celestius, quæ fidem publicam conservant? Sed ut ad definitionem deveniam scriba is est (scriba inquam, qui notarius, aut potius tabellio dicitur,) qui litteras, & rationes publicas, priuatasq; scribit, quæ acta omnia in iudicio, & extra iudicium, notis, aut litteris excipit, in solem nem, authenticamq; scripti formam illa redigens, ad faciendam fidem: in cuius scripto iustissimo, sanctissimo, atq; firmissimo homines acquiescunt, & illi contradicere non licet, non possunt, sed nefas impiumq; est. Et scribarum aliqui, principum, regum, & Imperatorum, ac rerum publicarum parum, a secretis sunt, & litterarum, in quibus illorum arcana, maximæq; res continentur scriptores, aliqui decretorum, constitutionum, edictum senatus consultorum, privilegiorum, & diplomatum, quæq; sunt his similia: cuiusmodi plures in rebus publicis, apud Romanum Pontificem, Imperatorem, & reges sunt: aliqui autem cetera, quæ ad notariorum officium pertinet, conficiunt. Qui omnes tanta sunt fidei, tantæ sanctitatis, integritatis, & excellentiæ, tantæq; dignitatis, ut quicquid ipsi scribunt, sanctissimum, iustissimum, atq; integerrimum apud omnes habeatur. Ipsi edicta, senatus consulta, plebiscita, decreta leges, & quæ superius dixi, aliæq; huiusmodi dicunt, & scribunt, quæ totum terrarum orbem regunt, instruunt, & sanctis admonitionibus, & præceptis imbuunt, malosq; panis à flagitijs terrent, & bonos ad meliora semper incitant. Eorum fides societates generis humani conservat, & illarum (sicut temporum, terrarum, & syderum rector sol, mundi totius animus, & mens, lucem rebus ministrans, cæli tristitiam discutiens,) reatrix est, mens & animus, lucem illis ministrat, tristitiamq; discutit: Quia sublata & excellentissima virtus iustitiæ tollitur, & vite perturbatio sequitur, & maxima rerum omnium confusio.

fusio. Nam absq; fide, quæ potest esse sanctitas? quæ pietas? quæ religio? quæ vera societas? sublata quoq; fide non ne passim inter homines viderentur bella, prælia, pugne, odia, vulnera, discordia, dissidia, querellæ lamentationes, interritus & non ne libidines, adulteria, & intemperantia ubiq; esset? Ab ipsis notarijs reperta, (nam qui primi litteras inuenerunt iustissime scribas fuisse dici potest,) & conservata sunt multis seculis litterarum præclara monumenta, illaq; scribendi maiestas, quæ, ut Ludouicus calius rodiginus antiquarum lectionum libro secundo capite trigesimo quinto dicit, tantarum rerum scientiam nobis comparat, vetustatem propagat, nil sine interire, & quod omnia conterit, tempus nostris cogitur manibus succumbere. Quid hoc magnificentius? quid æque mirandum? id esse homini datum, in quod ne mortis quidem auida rapacitas ius ullum habeat? quid tot, tantarumq; legum contexta volumina? quam demum ciuilioris vitæ preseruat eminentiam? quid dictorum, conuentorumq; publicis tabulis comprehensa fides, aduersus ingeniorum prauitatem, hæcenus calius, per quæ litterarum monumenta præclarissima, industria, virtus, & sapientia animis hominum inseruntur. BENE. duo ex his quæ dixisti duriora mihi videntur, vnum quod a secretis principum notarij sint, Alterū quod qui litteras inuenerunt scribæ essent. FRAN. virumq; verissimum est, Benedicte, nam si a secretis principum arcana principum sciunt, si sunt illi, qui per pacis, belliq; tempora, diplomata, & litteras subscribunt, ut videre est in nostra ciuitate, & in vniuerso terrarum orbe, si omnes homines scripto istorum credunt, quare ipsi notarij non sunt, & quod illi, qui primi litteras inuenerunt scribæ essent, aperte demonstrat forma tabelliones creandi, cum quis enim tabelliones creat, illis calamus, atramentariamq; insignum



notariorum artis dat, quasi illos in numero describat eorum,  
qui calamum, attramentariumq; hoc est litteras quæ ex his  
conficiuntur inuenerunt. Sed ut ad aliqua minus vniuersalia  
descendam, & à caelestibus incipiam, tanta fuit, & est de no-  
tarijs cura Deo Optimo Maximo, tantaq; Christo omnium  
redemptori, ut ille iustissimos homines, amicosq; suos prophe-  
tas, officio scribæ fungi voluerit: ipsi namq; secreta, reconditaq;  
arcana Dei sciebant, & hominibus, quantum datum erat, eisq;  
licebat scribendo apperiebant, nullusq; inter omnes homines  
nisi qui notarius esset, illa dei arcana, prouidentiam, sapietiamq;  
sanctissimam scire potuit, sed scribis tantum datum fuit hæc  
scire, hæc inquam ita altissima, ut cæteri homines illa à scribis  
audientes, non intellexerint: & Deus ipse rerum omnium Opifex,  
non ne officio scribæ functus est: cum iudeis, populo suo  
dilecto, legem scriptam dedit, ab illis amandam, obseruandam,  
& metuendam, non ne postea iudei lectores legum, & magis-  
tros illos summos, scribas vocare, qui ut Deo acceptiores, sa-  
crificia faciebant, victimas, hostiasq; immolabant: ut pote quia  
soli digni essent scribæ, qui religioni, pietati, sanctitati, cerimo-  
nijs, fidei, iureiurando templis, delubris, & sacrificijs præessent.  
Quod & apud antiquos Babilones obseruatum fuit, nam ipsi  
officium notarij sacerdotibus tantum, quos magos appellabat.  
Comittebant, aperte videntes, illud à sanctissimis scriptum esse  
oportere, cui ab omnibus fides esset danda. Et Christus acta  
sua, vitam, mortem, resurrectionem, & alia mirabilia à notarijs  
scribi permisit, quo enim euangelij scriptores officio functi  
sunt, nisi notarij: cui enim rei perinde creditur ac scriptis eo-  
rum? eodemq; modo Iohannes apocalypsis scriptor à secretis  
scribæ fuit, cum illa mirabilia secreta, arcanaq; dei, tum de fu-  
turo vniuersali iudicio, tum de alijs scripsit, & qui tam acce-

ptus dilectusq; Christo fuit, ut frater suus, filiusq; Mariæ ab eo  
vocatus sit, quid omnes alij factorum Christi scriptores? non  
ne notarij fuerunt? unde Romani Pontifices Ecclesiæ Proto-  
tarios creauerunt, & creant, qui vitam mortemq; sanctorum,  
ac dei martyrum scripserunt, & scribunt: ut potè quia soli  
essent digni suorum temporum scribæ, ut priores fuerunt, qui  
sacrosancta ista Ecclesiæ, deiq; miracula scriberent, & quibus  
solum fides ab hominibus daretur, quorum nunc plures scimus  
esse. Cumq; ipsi summi Pontifices indulgentias, aut diplomata  
concedunt, cum excommunicatos aliquos anathematizatos, im-  
piosq; decernunt, notarijs vtuntur, notarijque sunt, qui omnia  
ista scribunt, faciunt, & dictant, nullaq; ab hominibus illis  
fides daretur, nisi à notarijs facta cognoscerent. BENE. an-  
tequam queso ultra progrediamur, responde mihi, nam postea  
quietiori sequentia audiam animo. FRAN. dic quauis.  
BENE. sunt ne scribæ iudei, de quibus paulo ante dixisti,  
scribæ illi, qui Christum occiderunt, pessimi homines, & ne-  
quissimi, qui dixerunt, sanguis istius super nos, & super filios  
nostros, de quibus Christus apud Matheum dixit, nisi abunda-  
uerit iustitia vestra plusquam scribarum, & pharisæorum, non  
intrabitis in regnum celorum: generatio praua, & adultera  
signum querit: & cæci sunt, & duces cecorum. FRAN.  
illi scribæ erant, officioq; notarij fungebantur. BENE. &  
quæ laus obsecro est hecimo ipsi soli causa potens sunt, ad om-  
nia quæ de notarijs, & scribis præclara dixisti, offuscandum.  
FRAN. vide quid dicas Benedicte, nā deceperis, BENE.  
quo nam modo? FRAN. scribæ illi pessimi, qui Christum in-  
terfecerunt, nequissimi homines erant, nec digni qui scribæ  
essent, non propterea omnis scribæ, diuinæq; ars pessima erat,  
imo à deo ordinati erant scribæ, qui cæteris exemplar essent, qui



legem, prophetas, diuinæq; omnia populo legerent, qui sacris  
præessent: sed Christi tempore illi officio suo abutebantur, et  
sicut a deo creati erant, ut populum ad viam salutis instrue-  
rent, ipsi contrarium operabantur: non propterea (ut dixi) scri-  
bæ omnes, et officium ipsum culpandum est. Nam si dialectica  
tam noris, ex quibusdam singularibus, nunquam conclusionem  
rectè inferi vniuersalem nec ob id, quod ipsi mali fuerint, offi-  
cium illud à Deo Optimo Maximo creatum, iudicandum est  
malum. Sed et Christus eos aperte dixit scribas veros non  
fuisse, sed fictos, cum de eis apud Matheum dixerit, quid me-  
tentis hypocritæ? et apud Marcum bene prophetauit Isaias  
de vobis hypocritæ: sæpiusq; similiter eos hypocritas vocauerit.  
Nam ut mali et pessimi erant, querebant pessimam eorum  
vitam, flagitia, nefandaq; scelera, eo quod scribæ essent occu-  
pare, et tamen de quodam scriba, qui officium suum non pes-  
sime exercebat, dixit Christus apud Marcum, non es alienus à  
regno Dei. BENE. diuinam scribarum artem esse dixisti,  
quod ego nunquam credam, diuinam enim esse dicerem, si deus  
ipse, non homines illam exerceret. FRAN. Nec deus ab arte  
notarij abhorret, tamen diuinam esse artem, scientiam ve dupli-  
citer dici potest, ut ait Aristoteles primo Metaphysicæ, nam  
diuinam dicimus illam, (ut Philosophi verbis utar) quam ma-  
xime Deus habet, rursusq; eam, quæ diuinarum est rerum: at  
ars nostra utroq; modo diuina dici potest, nam quis ignorat  
Deum scire omnia? quis non scit Deum Maxime scire ea, quæ  
magis naturæ suæ similia sunt, et quæ omnibus summopere  
prosumt: quidq; Deo similis est? quid omnibus vtilius? quam  
pura fides notariorum? et quis ignorat scribam in terris deum  
esse, cum omnia legat et moderetur. BENE. aquiesco, et  
alia proseguere. FRAN. omnes homines, qui legibus totum

orbem direxerant, qui rerum celestium rationem indagauerunt,  
et descripserunt, et qui demum rerum, artium, et scientiarum  
inueniores fuerunt, si officio notarij, et scribæ, vti non essent,  
nihil vtile produxissent hominibus, quod ipsi solum facere stu-  
derunt: et nunc omnes nos, aut scientiarum, et artium omnium  
imperiti essemus, et aut nullus nostrum grammaticus esset,  
nullus rector, nullus logicus, nullus philosophus, nullus astrolo-  
gus, nullus theologus, nullus deniq; scientiarum aliarum periti-  
tus, nullusq; iureconsultus, aut oporteret nos illas inuenire: at  
nunc, non quia illas inuenierunt, sed quia eas scribendo officio  
notarij functi sunt, nos absq; vilo ferè labore nostro, licet eorum  
maximo, scientias omnes acquirimus. BENE. rem prorsus  
incredibilem narras, et si non omnibus saltem mihi. FRAN.  
quare. BENE. quia non omnes, qui scriptum aliquod posteris  
reliquerunt, scribas fuisse credo, nec mihi credibile alijs esse  
videtur. FRAN. vera dicis Benedicte, nec omnes illi scribæ  
erant, at ego non de malis, et indoctis, sed de probis, et doctis  
loquor. BENE. ah sophistam agis nec omnes docti inquam,  
scribæ fuerunt, quid enim commune habet arithmeticus, geome-  
tra, logicus, et theologus cum scriba tuo? profecto nihil.  
FRAN. erras, dic queso, tu qui geometriam, et arithmeticam  
didicisti, cū Euclidis et boetij precepta legebas, genera linea-  
rum et angulorum tradidisti, cum de circulo, quadrato, trian-  
gulo, scaleno, semicirculo, rombo, romboide, et parallelis  
scientiam audiebas, cum de numeris, generationeq; numeri,  
cum de multiplici et submultiplici, super particulari,  
alijsq; maioris, minorisq; inequalitatis speciebus, earumq;  
generationibus, si euclidi, et boetio non credidisses, illarum ne  
rerum scientiam vnuquam affecutus esses. BENE. nequiquā,  
tamen quare ego illis credere non debeam, cum cuilibet exper-



eo in arte sua credendum sit, sed quorsum hæc? FRAN. hæc  
probant euclidem scribam fuisse, cum id scripserit, cui tu, &  
omnes alij credunt: & similiter omnes alij aliarum scientiarum  
inuentores, & scriptores, & inter alios historiographi, ipso ad  
vnguem scribæ officio functi sunt, ipsiq; verè scribæ fuerunt. Nā  
nihil ipsi scripserunt, nisi quod posteris fidem faceret, quod  
tquam fulsum reici non posset, quod proprium est (vt dixi)  
scribæ officium: vt pleriq; etiam populi aperte hominibus no-  
tificauerunt, antiquissimi precipue babilones, prisciq; nostri  
Genuenses, qui solum scribis historiatarum scribendarum onus  
imponebant. Quare quicquid homines ab historiographis hæ-  
bent, id à scribis, & notarijs habuerunt, & quas, quantasq; res  
contulerint in homines scribæ historiographi, nullus est qui nō  
sciat. Nam historia res gestas magnarum rerum publicarum,  
& principum narrat, & multa præclara exempla proponit,  
quæ in regendis rebus publicis penè necessaria sunt, & quibus  
incitari possunt animi principum, & senatorum, ad studium  
heroicarum virtutum ipsa origines, & principia regnorum,  
& rerum publicarum, ipsa causas, quibus vicissitudines rerum  
in Imperijs, & grauissimæ commutationes inciderint, demon-  
strat: quibus possunt homines rectè res publicas ordinare, ordi-  
natas conseruare, & indies ampliare: ipsa nos admonet exem-  
pla bonorum hominum considerantes, quo pacto & nos felici-  
tè in republica versari queamus. Cū enim videmus magnos  
illos viros, nihil præter publicam vtilitatem spectasse, iustitiam,  
& equitatem vnice coluisse, malefacta grauiter punisse, &  
imperia, & res publicas suas, munitionibus, potentia, religionis  
cultu, & bonis moribus meliora reddidisse, non ne & nos ad  
illa ipsa incitatur? si tyrannorum exempla consideramus, eo-  
rumq; calamitosos exitus, & propter eorum crudelitatem

pèrnitiosos euentus, & commutationes in rebus publicis exi-  
tiales, eorum inuidiam, odium, superbiam, non ne animus no-  
ster, bonorumq; ciuium omnium, à tyrannide abhorret? non ne  
in tyrannos nos incitat? præterea cum videmus nullum impune  
euaxisse, qui contra magistratum rebelis extiterit, non ne ad  
magistratui parendum animo ferimur? Hæc tanta igitur in  
homines à scribis colata, si quis altius considerabit, cognosceat  
certè, iudicabitq; non minus ipsos ab hominibus vt deos vene-  
rari, & illis hostias maculari debuisse, quam Cereui, quam bac-  
cho, quam palladi, quam alijs, qui ob vnicam tantum in ho-  
mines vtilitatem, in deorum numero numerati erant, & tanquā  
dei collebantur, quorum numerus penè infinitus erat. BENE.  
mirum est Franciscæ deorum nullum, apud antiquos, aut præsi-  
dem, aut inuentorem scribarum reperiit, cum oleæ inuentrix  
Minerua, Ceres frugum, liber vini, Apollo citharæ, alijsq; aliarū  
rerum, & idem Apollo preses poetis, Mercurius mercatorie  
bus, mari bello, & alij alijs reperiantur. FRAN. causa in  
promptu est: nam fides, alijsq; quæ postea fuerunt, & nunc  
sunt scribarum propria, apud antiquos omnibus communia  
erant, quæ de re (sepius enim illa, quæ omnibus communia  
sunt, & quorumquisq; maximam habet copiam, vilia estimā-  
tur) notarijs certum deum non præposuerunt, quod si tunc in  
quibusdam solum ipsa reperta fuisset, proculdubio deorum  
hominumq; patrem omnipotentem Iouem, notarium fuisse  
credidissent. Nam omnia simul bona, ab omniū Deorum Prina-  
cipe proficisci iudicassent. Attamen & aliquas scribarum vir-  
tutes, in deorū numero descripserunt, antiqui enim precipueq;  
Romani, fidem, honorem, mentem, salutem, victoriam, concor-  
diam, libertatem, alijsq; his similia, adorabunt, illisq; templa de-  
dicabant, Sed ne in vna re tandem moremur, licet multa alia



de hoc dici possent, ad alia pergamus. Apud babilones omnia  
pene hominum primos, notarij, qui sacerdotes etiam seu magi  
erant, institutis hominum praeerant, & augurijs, carminibusq;  
sacris, mala hominibus auertebant, prodigia, & auguria fide  
interpretatione explanabant, ipsiq; soli sapientes erant. Et an-  
tiquissimi totius Italiae populi, ita scribas honorabant, ut eos  
pares regibus existimarent; & merito existimarent, ipsiq; no-  
tarij purpurea induti, coronae regali redimiti procedebant,  
regibusq; pares, & ab hominibus illo afficiebantur honore, quo  
reges, & ut reges metuebantur. Ipsi quid faciendum erat in  
Republica, & in illius administratione, ac in exercitijs im-  
perabant. Ipsi erant in quorum nutu, & potestate omnia po-  
nebantur, & per pacis, belliq; tempora: quod declarat Mutij  
historia apud liuium libro secundo decadis primae, nam cum  
mutius Roma exisset, & in castra hostium pergisset, ut re-  
gem porphenam obrucaret, cumq; duos prope stantes, & se-  
dentes inspexisset, quos ornatos purpura, corona, aliq; rega-  
lia ambo reges demonstrabant, ipse scribam (nam unus duo-  
rum erat) pro rege obruncavit, vidit enim romanorum fortis-  
simus illum omnes venerari, illum quid faciendum erat in exera-  
citu praecipere, illum deniq; facie regno digniori, vnde prisco-  
rum mores sequentes Pontifex Maximus, Romanorumq; Im-  
perator, reges, & principes, ac rerum publicarum patres, om-  
nes suas curas scribis, quos à secretis diximus, apperunt, qui eos  
ne faciant admonent, cum dominandi cupidi, aut ira perciti,  
bella iniusta suscipere volunt, eorum cupiditatem, & iram  
pessimam esse, & rege homine non dignam demonstrant,  
& furorem leniunt, cum vero (ut sunt aliqui) ita ignari sunt,  
ut non audeant se aduersus oppugnantes defendere, & iuste  
defendere, & cum de rebus suis desperat, ipsi hortando animos

confirmant, & ad se se defendendum exemplis, & rationibus  
suadent, illosq; solantur: quod si non haberent, quam pessima  
eorum esset, curarumq; molestium plena conditio? Nam scis  
Benedicte & omnes sciunt, quam recte atum, quietumq; ha-  
beas animum, si hominem habes, cum quo cogitationes tuas,  
& sollicitudines communices, cum quo totas tuas curas voluas,  
cui mestitiam & laetitiam impartias, & quem habent reges  
alijq; & quis ad hoc idoneus est, nisi scriba, & notarius, (quē  
secretarium dicunt) aut saltem qui notariorum, & scribarum  
officio fungatur. Et quanti apud Romanos essent scribae aper-  
te dicunt, & testantur plures auctores, & Cicero (nam ad-  
uersarius, quem scis, praeter Aristotelem, & Ciceronem nemo  
nem ferè audiebat) cum in quarta in catalinam inuestiua ci-  
uium Romanorum praestantissimos nominat, in his scribas  
vniuersos numerat, & scribae ea curabant apud Romanos, quae  
ad erarium pertinebant. Nec contrarius huic mos erat egiptijs,  
qui scribas sacris pecunijs preponebant: ut scribit herodotus,  
qui licet neq; aethiorum, neq; egiptiorum quemquam à se re-  
pertum esse dicat. Qui nili orium scire fateretur, tamen in vr-  
be sai, à sacrarum minerarum pecuniarum scriba, audiuisse affir-  
mas, & scribarum Romanorum fidei, ut sanctissimorum, &  
innocentissimorum hominum leges, & tabulae publicae com-  
missae erant, quod demonstrat cicero in oratione pro milone,  
idemq; in quinta actione in verrem testatur, magistratus om-  
nes apud Romanos scribas habuisse, qui res in magistratu ge-  
stas in tabulas fideliter referrent, & malefacta magistratuum  
scriberent, ut postea punirentur: & eodem autore Imperato-  
res superatis hostibus, & optime republica gesta, scribas suos  
aureis annulis in concione donabant, victoriae premium, ut po-  
te illos, qui praeclearis consilijs, sanctisq; admonitionibus, Im-



peratores in apertam redigissent victoriam. Præterea Aulus  
Gellius libro sexto si recte memini testatum reliquit Gn. flaa  
aium edilem curulem scribam fuisse, tantum quidem hominem,  
tantæq; dignitate decoratum. BENE. vnum solum Franciscæ  
inter tot Romanos refers, nec illos seruos nominas, qui notarij,  
scribæq; fuerunt: vt apud Horatium sarmenus: & tamen licet  
seruus esset, quæ conditio pessima est inter mortales, Cicerrus  
illi quasi dedecus obicit, esse scribam. FRAN. ego tantum  
vnum refero hominem Benedictetimo plures, cum & pluri  
mos possem, sed tu tantum vnum, nec plures referre potes, &  
cicero homini nequissimo, & impurissimo credis. Sed esto sar  
uentus erat scriba, quid ex hoc inferri putas, nisi quendam  
seruum, & vnum tantum scribam fuisse. Sed audi, cum Roma  
ni homines ex his ad huc essent, qui semen aliquod aurei seculi  
retinebant, non indigebant, in quacumq; re, maximeq; priuata  
notario. Sed quisq; sibi notarius erat. Nam cum testamenta, vel  
tabulas conscribebant, quisq; illa manu sua scribebat, & dicta  
bat, officioq; notarijungebatur. Et ideo tantum in rebus pu  
blicis, vt in errario, & in societate magistratuum scribis in  
digebant, & scriba illi nobiles erant, ciuesq; Romani, vt supe  
rius demonstratum est. Sed cum in vrbe Roma, vt malij, essent  
& homines plebei, indocti, tabulas dictare, & scribere ne  
scientes, cumq; homines isti inter sese aliquando pacta firma  
rent, & testamenta conficerent, opus erat illis aliquo scriba,  
cumq; dedecori ascriberent veri illi scriba, ea facere, dictare, ac  
stipulari, quæ homines ignauissimi plebis velent, illi scribas  
seruos suos esse permittebant, nec credendum est, imo absurdū,  
& à veritate alienum videtur, quod senatus, populusq; Roma  
nus, prætores consules, aut procursules in aliquam prouinciā  
mitteret, & nobilissimos Romanorum mitteret, illisq; socios

tribueret seruos, qui eorum gesta in magistratu scriberent, imo  
vero simile, verissimumq; est, scribas illos magistratuum socios,  
ex Romanorum nobilissimis delectos fuisse. BENE. postquam  
de seruis mentionem fecimus, velem vt argumentum illud refu  
taret Si potes, quod in principio nostri sermonis aduersus scri  
bas protuli. FRAN. quale? & quod argumentum? ego ne  
non memini, illud igitur iterum quaso replica. BENE. nota  
rios dixi esse infelices, artēq; eorum pessimā, & hoc solum  
ad illud causandum satis esse, quod omnes serui publici sunt,  
quod enim nomen turpius? aut quod à quocumq; claro & li  
bero exercitio alienus? FRAN. Tabelliones dicuntur (nunc  
enim memini) serui publici, (nam eos esse seruos verbis tantum  
clarum est) non quod serui sint, nec tali nomine digni (imo le  
gibus cautum est, seruos notarios creari minime posse) sed di  
cuntur serui publici, (tanta est enim officij sui benignitas, tanta  
eorum humanitas, & tanta omnibus hominibus necessitas,) quia ipsi publicæ vtilitati, publicisq; commodis, & beneficijs  
seruiant, vnde leges tabelliones, non à seruando, vt vere seruos  
sed à publicæ vtilitati seruiendo, seruos appellari dicunt. Sed  
amicus ille noster, (quem scis) qui se maximum scribam profa  
teetur, vt mihi sæpius dixisti, tibi alias hæc scribis obicienti, hoc  
modo respondit. Cum (inquit) in tabulis conscribendis opus sit  
semper stipulatore, cumq; aliquando, & sepe conscribantur  
aliquæ absente illo, qui stipulari debet, constituti fuerunt anti  
quitus homines quidam serui publici, qui ab illis, qui tabulas  
fieri volebant vocabantur, vt ipsi serui pro absentibus stipu  
larentur. Sed cum hominum malitia creuisset, ipsiq; serui pub  
lici sæpissime plura facerent officio suo non digna, & in  
bonesta, placuit hominibus officium illud ad alios vertere,  
illorum amplius non confidentes, cumq; animo voluerent cui



qui hominum integerrimo, in corruptissimo, & sanctissimo;  
onus hoc, fidem, salutemq; publicam imponent, solos repe-  
rnerunt scribas ad hoc aptos: officium igitur seruorum illis de-  
legauerunt, hinc eos serui publicos vulgus appellat: sed eo-  
dem quos supra modo dixi, respondendum est. Notariorumq;  
nobilitatem, & perfectionem demonstrant leges, nam  
ecos, surdos, stultos, & furiosos tabelliones fieri non posse  
decreuerunt. Cum ad officium omnium pulcherrimum, & ho-  
nestissimum, idonei tantum sint homines cordati, & qui nullo,  
aut animi, aut corporis vitio laborant: vnde nec femine ad id  
idonee sunt, nam (vt omnibus notum est) fragilissime sunt, nec  
scribarum constantie capaces. Vnde etiam heretici a fide & no-  
stra sanctissima alieni, minime notarij creari possunt, imo post  
quam homines tabelliones sunt, si heretici fierent, notariorum  
artem tunc amittunt. Nam cui fide carenti fides est adhibenda?  
vnde etiam falsarij, infamia ve aliqua notati, ab arte nostra  
exclusi sunt, & tandem, vt paucis magna comprehendam, ta-  
bellio recte is est, & fieri potest, qui ab omni, & corporis, &  
animi vitio, mundus sit. BENE. desine quales debeant esse ta-  
belliones mihi demonstrare, nam hoc postea dices, imo istud  
audire magnopere cupio. Sed antequam ad haec veniamus, re-  
sponde quoq; mihi enim videtur (postquam tu queris quoduis  
legibus probare) quod imo leges tibi contrariae sint, nam his de  
legibus etiam cautum est, clericos, monachos, religiosos, pioq;  
viros notarios minime creari posse. vnde facile verèq; dici po-  
test, quod considerantes legis latores notariorum artem non  
esse eam, quamuis probare, sed nec mechanicis equalem, no-  
luerunt homines sanctos eam exercere: cum tamen patiantur  
leges, & humane, & diuine eos mechanicas artes exercere, imo  
laudandi sint vere religiosi, qui post officia diuina recitata, &

post studium, tempus illud non inquiete, inertiq; otio, sed in  
exercitationibus consumunt. FRAN. facile refutari potest  
hoc argumentum, & negari quod dicis, nam videmus contra-  
rium, & incuria Romana maximi illi tabelliones, & notarij,  
ac scriptores apostolici (vt dicunt) clerici antistitesq; sunt, &  
licet leges eos esse notarios prohibeant, tamen si ob consuetu-  
dinem lex non est abrogata, saltem illi derogatum existit, ne  
vniuersaliter totum artis officium comprehendat, verum cau-  
tum est, quod illi non possunt eam exercere partem, quae impu-  
niendis malis hominibus versatur, nam sacerdotes piiq; viri, qui  
solent peccata penitentibus condonare, non recte crucificatio-  
nibus, & questionibus intersunt, imo ab omni egredere, & san-  
guine, ac macula manus mundas habere debent, studentq; nec  
possunt etiam tabelliones fieri, quia non sui, sed alieni iuris sunt,  
& notarij liberi nulliq; hominum subiecti esse debent. Propterea  
res igitur illi arte nostra interdicti fuerunt, & huic credo ab  
de satis responsurum, nec credibile est, quod notarij legis latores  
artem suam vt mala monachis interdixissent sed his de causis,  
quas superius dixi. BENE. innuisti superius at nunc aperte  
dici, legis latores scribas esse, quod mihi omnino falsum esse  
videtur. FRAN. imo verissimum est, nam si notarij omnes le-  
ges singulares scribunt, & conficiunt, quae inter homines totius  
terrarum orbis conficiuntur, si statuta, senatus consulta, &  
omnes leges municipales omnium urbium, ciuitatum, & pro-  
uinciarum, vt clarum est omnibus, quare legum vniuersalium,  
& communium scriptores non sunt, cum ex omnibus singula-  
ribus recte conclusio vniuersalis inferri possit, licet leges quae  
communes appellamus, propriae populi Romani sint, & pro-  
pterea à scribis scriptae, vt superius dixi. Sed (quod fortius est)  
cui scripto perinde crediatur ac legibus: si legibus rem meam



esse probo, statim res mea ab omnibus existimatur, si hominem  
mecandum esse leges dicunt, protinus necatur, si igitur tantę  
sunt fidei leges, a quo leges provenire debent nisi a notarijs, cū  
propriū notarij sit, (ut superius diximus) illud scribere, cui  
ab omnibus fides ubiq; datur. BENE. respondisti illi priori  
argumento, notarios dici seruos publicos, & publicę utilitati  
seruire, igitur verum est eos, & dici, & esse seruos,  
cum iam affirmaueris eos seruire, nec id quod omnibus seruīat,  
excusat eos, imo propter hoc peioris conditionis sunt, quam si  
vni tantum seruirent, nec possunt nomen illud infame fugere  
FRAN. iam satis superq; responsum fuit, dictumq; notarios  
non esse seruos publicos, sed dici, & propterea nomen infame  
serui, (si hoc verum est) illis non competere. BENE. dubitas  
an serui sint infames, quid nomine serui turpius? quid homine  
alienius? FRAN. nec notarij serui sunt, nec serui sunt ita in-  
fames, & turpes, ut dicis. Nam serui ut alij sunt homines, &  
ut refert macrobius libro primo saturnaliorum capite. XL. si  
recte memini, cum Romę Antonius quidam seruum suum cru-  
deliter verberasset, indignatus ob hoc Iuppiter senatui per-  
quendam retulit, crudelitatem illam sibi non placuisse, & ana-  
cronio disimulante filius suus subita occissus est morte, & ipse  
gravi infirmitate grauatus, donec consilio amicorum lectica  
delatus senatui retulit, & tunc subito ab infirmitate liberatus  
est, vide quāta fuerit cura de vno seruo summo Ioui. Homines  
enim non natura, sed fortuna domini seruīq; sunt, & multi fue-  
runt homines, & reges, & Philosophi qui coacti sunt seruire  
ut ctesus, Darij mater, hectoris mater, Diogenes, & Plato.  
Quid? cum ipsi serui erant, existimandi ne erant non homines,  
quare liquido apparet in seruis liberos esse posse animos, cum  
tamen tabelliones, ut millies dictum fuit, serui non sint, sed

tantummodo serui dicantur, quia publicę utilitati, publico cō-  
modo, communiq; saluti, & felicitati, studeant, & consulant  
& quia mercedem antiquis temporibus de publico summe-  
bant. Quare ipsi fidei sincerioris alijs iudicandi sunt, veritatisq;  
amantiores, & non serui, sed benefactores publici, & quibus  
tquam sanctissimo sacrario publica fides cōmissa sit. BENE.  
non ne notarij tabulas conficere nolentes cogi possunt ad illas  
conficiendas? clarum est igitur eos seruos esse. FRAN. potest  
quidem notarius cogi ad tabulas conficiendum, sed ob hoc ser-  
uus dicendus non est, nam qui non vult tabulas conficere, ille  
verus non est scriba, sed fictus. Vere enim tabellio nunquam  
recusabit publico bono providere, quod proprium illius est  
officiū, quare non cogitur notarius, sed qui notarius existima-  
ri vult. BENE. hactenus Francisce de scribis illis locutus es,  
& de laudibus eorum, quibus clarum est nostri temporis scri-  
bas similes non esse, imo aliud erat eorum officium, & aliud  
est nostrorum. FRAN. imo quam similimi sunt, idemq; scribe  
sunt, & hoc primū tibi demonstraui. Si enim omnia quę dixi,  
considerabis, definitionemq; scribę, eorumq; omnīū scribarum,  
quos memorauī officium, profectō ita esse reperies. BENE.  
age sit ut dicis, tamen complures notarij, & scribę nostri tem-  
poris, quam ignaui sunt homines, indocti, abiecti, viles, contem-  
pti, quam turpe eorum officium ab omnibus existimatur, ut ab  
omnibus despiciuntur. Quare cum nūc officium tabellionis tam  
abiectum, & penē in honestum sit, (boni enim scribę a malis  
numero vincuntur,) & cum omnes ita illud iudicent, non po-  
test fieri, quod homo notarius non ita existimetur, ut officium  
& exercitiū suū. Quapropter vel verissimis omnibus, quę  
dixisti, tamen miserrima est nostra conditio, quod scribas esse  
cupimus, non ut iam antiquis fuere temporibus, sed ut nunc



sunt. FRAN. imo ego totis quotidie conor viribus, ad hoc tantum continuis studijs occupatus sum, ut solum notarius euadam, non ut nunc plerique sunt, sed ut iam fuerunt. BENE. nullus erit tibi locus in vrbe nostra. FRAN. quare? BENE. quia notarij in vrbe nostra (bonis semper exceptis) viles sunt, & ignaui, indocti, & arrogantes, & penè stulti, miserrimique, (miserrus enim stultitia quid possumus dicere) omnesque demum Benedicto illo nostro, scis quem dico, similes. FRAN. Quamuis nunc in vrbe nostra tabellionum multi nihili existimentur, tamen si tempora transacta considerabis, historiasque vrbis nostrae leges, & si quod de his à parentibus tuis audisti recorderis, clarissime videbis, quod scribe in vrbe nostra fuerunt iam nobilissimis, & illustribus totius vrbis ciuibus annumerati, videbis quā maiestate, quo decoro, quā demum praestantia fulgebant, ut erant integerrimi ciues, ut amatores patrie, & videbis totum eorum exercitium honoratissimum fuisse, quod nunc tam vile esse dicis: quod & si verum esset, ipsorum tamen notariorum tantum culpa eueniret, & quare fieri non posse putas in vrbe nostra quod iam factum fuit, non ne & nos ut antiqui, & priores homines sumus, non ne & ciues. BENE. quā maiestas quāso scribis antiquitus attributa erat in hac vrbe? & esto quod esset, tamen nunc non est, & nos non honorati ut antiqui erimus, sed abiecti ut moderni, nisi putas tu solus praeter omnium penè notariorum cursum, honoratam ingredi viam, artemque eorum ita illustrem reddere, ut ad fulsugium illud reddes honorum, quod dicis, sed hoc fieri non posse puto. FRAN. hoc ego nunquam cogitavi, ne dum dixi, nec solus potissimum hoc facere, illud tamen affirmare possum quod si omnes qui post hac scribe erunt, in meam concurrent sententiam, forsitan artem posteris relinquemus nobiliorem, & illustriorem,

striorem, quā nos acceperimus, si vnquam in illorum numero descriptus ero. Sed ista (cum nihil ad rem nostram pertineat) omittamus: non nescis in vrbe nostra scribarum artem fuisse inter ceteras praestantissima, non ne vnquam dicere audisti, antiquis temporibus ex ciuitatis gubernatoribus vnum ferè semper scribam fuisse, non ne vnquam senatus consulta vidisti aliqua ex antiquis nostrae vrbis, in quibus senatorum illius anni nomina descripta sunt, & in quibus est semper vnus eorum scriba, & non solum in senatu mos iste seruatus fuit, sed etiam in alijs quibus vis magistratibus, quem nunc quoque ferè semper ex quadam antiqua consuetudine in aliquo magistratu seruari videmus, & quem ut in magistratibus à senatoribus, & re publica creatis, ita etiam in magistratu diui Georgij, in alijsque ab ipso creatis, seruatum aliquando fuisse scimus. Praeterea scribae fuerunt in vrbe nostra, qui diui Georgij magistratum liberos, in quibus omnium locorum sacrorum res, priuataeque, & publicae pecuniae continentur, scripserunt, ut nunc etiam scribunt, eis quoque creditur, & publice, & priuate quod à scribis scripti sunt: & scribae semper fuerunt (ut nunc etiam sunt) patrum reipublicae, senatorumque à secretis, & ipsi semper qui illorum nascentes curas susceperunt, & natas recunderunt, & sanctissime custodierunt. Quod autem nunc plerique sint indocti, ignobiles, in honorati, & nullo decorati honore, non artis, sed ipsorum notariorum culpa euenit. Nam cum hominum auiditia maxime, ut omnes sciunt, cresceret, notariorum quidam, (qui primum maiestate quadam decori, sese ab hominibus rogari, & penè orari patiebantur, & volebant,) ita hominibus se se submitterunt, ut illis obtemperando continuae ciues, & homines rogauerint, quod ipsis potius, quā alijs videretur, in consiciendis tabulis, ut ei illud mercenario dignū lucrarentur.



Et sic ars nobilissima notariorum, quæ potissimum ad regenda  
das respublicas, ad bonum publicum seruandum, & ad omnia  
penè bona parturiendum, inuenta fuerat, quæ tantum homi-  
nibus integerrimis, hominibus doctis, probis, & sinceris im-  
partiebatur, ea processit, ut ipsa tantum propter questum exerce-  
atur, ut lucri tantum causa ab eorum pluribus petatur, ut  
artes mechanicæ. Et hoc non artis, sed fit (ut dixi) scribarum  
culpa. Cum tamen nec plerique nostri temporis notarij, scribæ  
sint, sed solum scribarum vmbre BENE. audi quas Francisce  
non ne notarij antiqui mercedem accipiebant, non ne in liti-  
bus, & differentiis eorum ars versabatur, ut nunc versatur,  
quod solum potis esset ad totum artis decus abolendum. Nam  
quante, & quam magnæ pestes in ciuitatibus, & prouincijs  
ipsis nascantur ab his litigiorum anfractibus omnes sciunt, &  
tamen ea notariorum est ars, ea gloria, ea laus, ea præstantia,  
ea maiestas. FRAN. maligni animi sententiam proferens Bene-  
dicte, nam quod aliorum culpa prouenit, ex notarijs venire  
dicis, & quod ipsi occidere quærunt, tu ab illis nasci affirmas,  
notarij nunc ut antiquis temporibus circa easdem res versan-  
tur, sed prisca illi, ut publico potissimum bono prouiderent, ut  
salutem reipublice augerent, nostrorum autem multi, & penè  
omnes, ut diuites fiant, ut homines exhalcent, ut illis aureos  
penè furentur: quibus nihil est miserius, nihil vanius, nihil per-  
nitiosius. Huiusmodi enim opes omnis flagitij magistra, sunt,  
& ministra, ex his nascitur amor sceleratus habendi, iniuriæ  
oriuntur, factiones pululant, furta, peculatus, sacrilegia, rapi-  
næ, latrocinia proficiuntur, hæc incestus pariunt, hæc adulteriam  
gignunt, hæc stupra nutriunt. Et quod delitijs dixisti falsum  
est, imo notarij & scribæ totis conantur viribus, omniq; cona-  
tione litigia extirpare querunt, quid est enim tabulas scripturasq;

conficere, quam litigia, & differentias posteris auferre: ars igitur  
notariorum sanctissima est, nostris temporis scribæ causa  
sunt, quare viles existimentur. Sed si nos non ut multi ipsorum  
aurum aucupabimus, si salutem publicam, & reipublica que-  
remus, ut prisca fecerunt & nostrorum aliqui faciunt, quare  
& nos illustres, & honorati non erimus. Antiquitus non de-  
dignabantur comites, principes, & reges, nedum alij his infe-  
riores, notarijs, tunc quidem illustribus, & claris, utinunc ad  
tantam ignominiam, ob pessimos plurium eorum mores, &  
institutum, deuenerunt, deductiq; sunt, ut dedignetur mercato-  
rum minimi eis vi. Inde bodie videmus mercatores, aliosq;  
ciues per apochas, scedulas, & antapochas negotiari, tantiq;  
penè vtuntur scribis illi, qui scribere nesciunt. Quod tamen si  
recte considerabis, & animo volueris, non turpiorem, nec vi-  
liorem, sed honestiorem, & illustriorem, artem nostram reddit.  
Nam cū honorati illi ciues, & mercatores, & quicunq; magni  
viri apochas, & scedulas inter sese, conficiunt, tunc officiosa  
bellionis funguntur, quod nobis declarat, quanta sit artis ma-  
iestas, quæ sua met natura, homines istos rudes, & penè ru-  
sticos, qui nunc notarij sunt, (veros semper & optimos scribas  
excipio, qui nostris etiam reperiuntur temporibus) abhorret,  
& ad ciues illos nobiles transuolat. Quare & optima erit con-  
ditio nostra Benedicte, & in illorum honoratorum scribarum  
& rebellionum numerum ascripti proculdubio erimus, si ut  
prisca fecerunt, & nos fecerimus, si ad artem non obturpem  
questum, & auaritiam, sed ob bonum publicum primum  
accedemus, & si ea facere, discere, ac exercere conabimur, quæ  
ad optimum pertinent scribam, & hoc modo in nostra erit  
manu, nos honoratos tabelliones reddere. BENE. postquam  
coactus sum fateri quod vis valem intelligere, quibus artibus,



et disciplinis, et quomodo ad ea perueniemus quæ honoratum reddunt scribam. FRAN. sicut difficilimum est scribam perfectum inuenire, (nam si difficile est singulas disciplinas acquirere, quanto maius plures, et penè omnes, quæ notario necessariae sunt) ita nec facile est eius artem, scientias, doctrinam, et bonos mores exprimere, tamen ego paucis (ut dixi) magna restringam, et eum ut me a fert sententia formabo. Pretermitto eos ostendere, qui potestatem habent tabelliones creandi, et illos, qui ab arte hac exclusi sunt, tum quia de eis paulo ante quædam diximus, tum quia hæc omnibus nota sunt. Sed tantum aliqua scribis potissimum necessaria explicabo, sine quibus nec esse, nec appellari homines scribæ possunt. Duas autem partes notarij necessariae esse iudico, et ita necessarias, ut si quæ ex his defecerit, aut perfecta non sit, notarius et scriba perfectus esse non possit, quarum altera in moribus, altera in literis tota consistit, et hæc duo bonitas et scientia sunt. Memoriam aliæ huiusmodi in his semper intelligo, scientiamque nostro modo diuidens, in artis tabellionum scientiam distribuo, et scientiam aliarum rerum. Scientiæ artis nostræ (nam de aliarum artium scientia confusius agam, et aliquas tantum exprimam breuitati studens), rursus alia diuisione secunda est, in practicam scilicet, et speculatiuam: bonitatem in notario intelligo morum probitatem, facilitatem, honestatem, et integritatem, modestiam, et temperantiam. Mores pertinent eo, ut quodcumque faciet dicetue notarius noster modestiam quandam, continentiamque ac constantiam, in se habeat, ordinemque agendi aptum, et conuenientem, in quo splendeat illud decorum, notario dignum, quod tum imprudentium, tum peritorum oculis delectet, moueatque in admirationem sui, nec austerum setricum aut difficilem esse volo, sed bylarem et comem, mo-

destiam tamen, mediocritatemque secum deferentem, et quam sit necessaria bonitas ipse notario, nec disputandum, nec probandum esse credo. Nam quantum mores illi agrestes, et rustici, ab horreant ab omni viro ciuili, ne dum notario, omnes sciunt, et notarius omnibus comis, et hilaris esse debet. Nam rusticus, a principibus, et regibus reijcitur, nullius reipublicæ patres, nulli principes, nulli homines, ad se vocant, et demum omnes illum fugiunt: et ciuilibus moribus honestis, a principibus, et regibus, amatur, et honoratur, a secretis, et a scriptis eligitur, ab omnibus demum summo collitur honore. Nec cauernas nec meretrices frequentabitur scriba noster, nam mores isti nedum a notario, sed a quocumque vere homine alieni sunt. Epulis enim vino, et alijs huiusmodi delitijs obrui homines humi detinentur, totaque aberrant vita, nunquam inferiore superata, partem illam superiorem, et excelsam, aut attingere aut suspicare possunt, nec rei veræ cognitione se sciunt, nec integram, firmam, sinceramque voluptatem degustant, sed terrestres mensas secuti se cibis ingurgitant, venereisque rebus inuoluuntur, et pecudum more prouum humum semper spectantes, et notarius disciplinas primum collere debet, quibus animus totus meliori natura informatus, habitum recipit meliorem, et prudentiam iustitiam, temperantiamque acquirit, et tum corporis habitudinem, et vitæ cultum curare potest, non quemadmodum voluptati ferinæ deditus vitam degat, vel viribus superet, vel secunda valetudine, ac pulchritudine præstet, si bona hæc modestis, ac temperantiæ rationem addimant, sed ita ut vitæ, et corporis cultus omnis, accomodari ad animi rationem aptissime videatur. Præterea non solum sit comis, modestus ac continenti vitæ, honestisque imbutus moribus, sed integerrimis, incorruptilibus, et fidelibus, nam sine fide, nihil neque probum,



neq; prudens, neq; liberale, neq; magnificum, verè potest existere. Et fides adeo notario necessaria est, ut non veriti sint quidam dicere, notarium absq; fide, materià esse absq; forma: quod si forma res existunt, clare patet quanti sit existimanda fides à notario: et si tanti momenti fides est nos totis viribus primū nō curabimus, non curabunt scribæ, potissimum fideles esse: non ne fidem colent in tactam, sanctamq; custodient, & vitam porius sponte non amittent, quam quicquam non fidum, nec notario dignum facere: dō prælaram virtutem, dō celestē anōū, dō decus diuinum, dō solum inter mortales deorum speciem, & simulacrum, tu propria notariorum virtus eris, tu illorum forma, tu mater amantissima illos procrees, & generabis, tu vnica totius mundi thesaurus eris, & cælo dignas, & in honestis turpes, & viles ab hominibus notarij, & scribæ veri filij tui existimabuntur, iurgij & contumelij infectabuntur, ab omnibus vilipendentur: dō indignum facinus, dō scelus sceleratum, dō nouum iurgiorum genus, dō iniquas calumnias. Sed quo transferretur fides inquam Benedicte notario per quam necessaria est, & ita necessaria, ut si ne fide ipsa, fieri non possit, hominem notarium, & scribam esse. Quis enim absq; fide tabellio, omnibus perniciosissimus non esset: vita enim nostra nullo grauiore malo, nulla acerbiorē peste conflictatur, & perturbatur, quam infidi labe. Hinc enim iuri, atq; iniuriæ parum equa descriptio nascitur, ex qua deinde in hominum vitam tot incommoda manant, iræ, inimicitie, bella, cedes, urbium, & nationum euersiones, cum popularibus, cum ciuib; cum affinis, cum cognatis, grauis sepe discordia, & deniq; hominum ad homines societas, quæ naturæ fœdere conciliata & sancta est, huius tanti mali perniciē violatur, & in totum pene dissipatur. Sed ut facilliter animus scribarum fidelis perpesuo sit, ita libet

ab iracundia, molestia, ab odio à spe, à gaudio, à mali & calamitatis metu, ceterisq; omnibus passionibus, & factionibus, esse debet, ab alijsq; repetitis affectibus, intestinisq; pulsionibus, ut clare appareat intuenti, motus illos animi quamuis incitatos, & celeres, expectare tamen rationis imperium, tantumq; bonum, & salutem publicam respicere, & totis conatibus illud querere. Notariumq; castitatis, continentieq; custodem esse censeo, modestum, constantem virtutis obseruantem, veritatis amantissimum, & falsi totius mendacij, & ignorantie capitis inimicissimum. Nihil enim potest esse decorum, neq; splendidū, neq; sibi fidens, aut aduersus casum, & fortunam munum, vnde absit veritas, quæ omnium cuius insedit in animo, & cū quo sancto fœdere copulata est, dictorum atq; factorum sit particeps, & quæ admirabilem quandam auctoritatem, & speciem, prebet inter homines, immortalis dei. Ipsa enim veritas, (ut apud Iosephum Zorobabel post vini, regis, & mulieris vim, veri efficaciam explicans asserit) Deus ipse est, cuius terra calump; opera sunt, & qui immortalis æternus, omnia nutu, potestateq; sua regit, quod æquum, quodq; pium est, respicit, impietatem odit, & scelera, quæq; omnia æqua lance expendit, rependitq; ut quisq; meritis est, vel premia, vel supplicia. Nec maledicus, petulans, nec contumeliosus erit scriba notier, nec deniq; rem vllam turpem vel faciet, vel dicet: ista enim non notarij essent, sed qui notario contrarius est. Et demum ita se viuere instituat, ut sine vlla culpa, sine reprehensione, sanctissime, innocentissimeq; viuere videatur, ceterosq; homines ut persis mos fuit vera loqui docere debet. Et hæc de bonis moribus, bonitateq; scribarum dicta sufficiant. Et ad alteram iam partem accedamus. Erit primū notarius, scribæq; noster facili, elegans, & candidus, in dictandis tabulis, & scripturis,



ac facili, et celeris in scribendo, omnesq; tabulas, et scripturas, ac testamenta, testimonia, et alios actus, et publicos, et priuatos iudicarios, et extra iudicium factos, dictare facilius, et scribere integros sciet, nec indigebit formularum libellis, ut pleriq; nostri temporis scribae, qui illas tantum scribere, et dictare scripturas, tabulasq; sciunt, quarum exemplar libellus suus est, et qui verbum aliquod immutare in scripturis nefas esse putant, quod ipsi aliter scriptum in eo habeant: imo ad verbum eas omnes ex libro summentes, scribunt, hinc veniunt hinc nascuntur, hinc oriuntur, tot errores, tot inuolucra, quot quotidie nasci videmus. Sed ne institutum meum defraudem quod est laudare, non vituperare, extollere, non deprimere taceam, et ad rem reddeam. Erit etiam scriba legum peritus. Nam si notarius conficere debet scripturas, in quibus pacta innientes legum beneficia renuntiant, et quae firmę perpetuis sint temporibus, in quibus etiam clausulas ponat legibus derogantes, et in alijs alijs, in alijsq; alijs apponendę sint, non ne opus est eum scire leges, quas illi renuntiant? et quibus scripturae valide fiant, nam et si aliqui putant, non esse necesse notarium magna iuris prudentia pręditum esse, tamen mea est sententia, optimum fieri non posse scribam, nisi eum, qui iuris peritus sit, et qui illa pręditus sit iuris prudentia, quae sufficit ad hominem reddendum iuris consultum. Cum maxime tabulas aliquando conficiat, quarum stipulatores, et promissores ignari legum sunt, aut pueri, aut adolescentes, aut mulieres, quas notario opus est certas reddere, quod, et quale sit beneficium illud, et lex cuius renuntiant, quod certe nequit facere nisi sit iuris peritus. BENE. merito possum hanc oppugnando sententiam dicere, opus esse notarium scire leges illas, peritumq; esse illarum, quarum beneficia in tabulis conficiendis renuntianda sunt, non

autem omnium. FRAN. putas ergo benedictę tabularum formas, et naturas ad certum numerum restringi posse, erras si istud putas, nam si pene infinitę possunt esse hominum mentes, et modi tabulas scribendi, quare et pene infinita non possunt esse tabularum genera, et si pene infinita, non ne in his erit aliquando cuiuslibet legis beneficium renuntiandum? sed esto, sunt finita et terminata, tamen non ne clarum est, interpetrum legum, in una, eademq; re diuersas, et contrarias esse sententias, iurisq; peritos illi credere sententię, quę communis (ut illi vocant) est, at si in tabulis conficiendis opus est aliquid renuntiare, non ne oportet illud facere, secundum sententia comunitatis intellectum. Quare liquido apparet, notarium tota iuris prudentia pręditum esse oportere. Ad alias autem sententias tendens, nam de iuris prudentia hæc satis sunt, scribam præter hispanam linguam, germanam, gallicam, et etruscam, literas scire debere dico, latinas, et gręcas, et hebreas, omniq; ipsarum linguarum, literarumq; genere eruditum esse, nam si archigrammatice, aut scribis ab epistolis, nostra Reipublice patrum, quotidie literę ab omnibus mundi partibus redditę sunt, et ipsi plures ad Gallos, Hispanos, etruscos, et germanos sepemittunt, si recte officio suo fungi, si literas illas dictare volunt, non ne oportet eas omnes scire linguas? et quod illorum periti sunt: utq; prothonotarij Ecclesię recte officio suo fungantur, sacraque voluent volumina, et ut alij scribae historias legant, quę eorum arti utilissima sunt, et pene necessaria, non ne necessaria erit hebręarum, gręcarumq; literarum cognitio? cum omnes ferę scribae antiquitatum escriptas (prophetas inquam et euangeliorum scriptores tum alij, hebraicę et gręce scripserint. Nam psalmi totumq; vetus testamentum, ac maior pars noui, hebraica ac gręca lingua scriptum fuit, et gręci



historiographi, de hebraei, lingua sua historias scripserint, quorum maior & maxima pars apud ipsos est. BENE. vera quidem sunt quae dicis, tamen cum omnia iam latinis donata sint, solum scribis latina lingua necessaria est, aliae vero minime. FRAN. licet omnia iam in latinum sermonem versa fuerint, tamen nunquam ea ita recte intelliges, nunquam te ita delectabunt, ut si illorum, qui scripserunt lingua legeres: quamuis praeterea multa sint & graeca, & hebraea, quae non facile latina transformantur, praecipueque in sacris literis, in quibus quodlibet verbum diuinitatem quandam praese fert. Quare satius erit illa lingua sua legere, & notario nostro dignius. Erit praeterea notarius noster orator optimus. BENE. mihi videris Franciscus hunc tuum scribam perfectum, & ad vnguem factum hominem velle dicere, quo non perfectior alter, sed ad quid opus est oratoria arte notario? FRAN. ad quid queris? non ne ars oratoria notario magis necessaria est, quam quae vis alia? ipsi sunt benedicti, qui literas, decreta, diplomata constitutiones, & alia huiusmodi distant, quae si ea considerabis, non recte confici possunt ab oratoria artis ignaro, & eos oratores esse non oportet ipsi sunt scribe, qui principibus, & patribus, quid faciendum sit in republica demonstrant, bona suadent, mala dissuadent, quae non facere possunt, affectusque mouere, nisi oratores sint, imo proprium est oratoris hoc facere, & oratores non erant: cum maxime notarij in casu hominum, & cum plurimis viuendum sit, & ipsorum omnium studiorum utilitatem, officiorumque, cum hominibus communicatio facienda sit, nam ad humanae vitae societatem, apte commodeque gerendam, nulla instrumentum est ornata oratione praestantius. Nec minus necessaria est dialectica, sine ipsa enim reliquas disciplinas consistere, & inconcussas permanere non posse omnibus est ma-

nifestum, quis enim nisi dialecticae artis instructus, vel vilius atque principia, & causas norit, quis differendo de quacunque re sine errore verba facturus est, nisi antea omnia definitione, & ceteris terminis circumclusam rei notitiam directrice dialectica perceperit nisi quae rerum genera, quae species, quae differentia, quae accidentia, vnamquamque rem consequantur, quid coniunctum, quid separatum, quid affine, quid repugnans sit animo comprehendat: quae omnia dialectica latissime explicat, & sola docet. Praeterea non potest perfectus orator euadere, nec ad cognitionem vilius disciplinae peruenire, nisi dialectica methodum ingrediatur. Nec mirum, cum omnes disciplinae adminiculo, & instrumentis dialecticae inueniuntur sint, & ipsa ad omnium scientiarum principia habeat viam, ac ne potuerit quidem fieri, ut vlla ars esset, nisi per dialecticam in ordinem, & firmam redacta, quod etiam testatur cicero libro primo de oratore, (Aristotelem aliosque pretermitto, nam pluribus notariis notitis ne nomine quidem noti sunt.) nec ipsa iuris prudentia, & illius usus, recte constare potest, nisi dialectica adiuvet, ut ait idem cicero in claris oratoribus, cum de schola loquitur: nam magnum iuris civilis usum non effecisset (inquit) nisi ea praeterea didicisset arte, quae docet rem vniuersam distribuere in partes, latentem explicare definiendo, obscura explanare interpretando, ambigua primum videre, deinde distinguere, postremo habere regulam, quae vera, & falsa iudicarentur, & quae quibus propositis essent, quaeque non essent consequentia. Hic etiam attulit hanc artem omnium artium maximam, quasi lucem, ad ea, quae ab alijs confuse, aut agebantur, aut respondebantur, quam quoque artem totius philosophiae organum, antiqui philosophi vocauerunt. Nam sicut nemo suam artem exercere potest, nisi instrumentis, & armis sui artificij instructus, ita nullus



absq; dialectica recte philosophari potest ipsaq; sola (vt ait plato) conatur recto ordine ad inueniendum quid vnumquodq; sit, ac re vera animi oculum luto barbarico obruptum, paulatim sursum trahit, ac ducit, ne ignorantie ceno demersus maneat, qua ignorantia quid potest esse turpius quid notario nostro indignius? BENE. maioribus quidem laudibus Franciscus dialecticam extollis, quam mihi par esse videatur. PRAN. imò nec tantis, quantis meretur, non nescis illam animum ex umbra in lucem, & ex antro in solem producere: non nescis esse illam, quæ à Platone apex & fastigium in omni genere disciplinarum nuncupatur: & quæ à stoicis inter virtutes annumerata est, & ab eisdem nerui, & ossa philosophiæ nuncupata, quæ omnes alias artes tueatur, & qua sola mediante ad altiores, & superiores scientias deuenimus: & sine qua oratoria ars, qua plurimum notarius indiget, manere non potest. Imo ita inter sese coniunctæ sunt, vt nulla ipsarum perfecta inueniri possit, nisi ab alia societur. Sed vt ad alia deueniamus de dialectica taceam: nam iam fere tempus est finiendi, philosophiæ studere debet potissimum scriba noster, nam philosophia si moralem consideramus, animum firmat, & fabricat, vitam disponit, actiones regit, agenda, & omittenda demonstrat, & sine hac nemo securus est, ipsa est regalis illa disciplina, & ad bene viuendum, & dicendum reperta. Si vero naturalem aliamq; consideramus, ipsa est, quæ nobis causas rerum demonstrat, quæ animos hominum ab inferioribus ad superiora trahit, quæ nos ad hominem vere probò digna faciendum suadet, & docet, quæ omnia maxime scribæ conueniunt, & ita conuenient, vt sine ipsis, nec rectos habere mores notarius possit, nec ea, quæ illi necessaria sunt. Philosophia enim est, non solum intelligendi,

& agendi faciendiq; magistra, sed etiam fidei, officij, & integritatis, hæc constantiam, firmitatemq; in bonis moribus offerit, hæc copiam, vbertatemq; rerum, & sententiarum orationi suppeditat, hæc efficit, vt scribæ animus nunquam fortune cedat, non secundis, non aduersis rebus promoueat. Hæc rerum omnium, quatum ad alendum beatissimam vitam vsus esse potest, inuentrix est. Hæc est illa, in qua fortunis scribæ potius constituendus est, sub cuius dictione quicquid in verum naturis tractandis, noscendisque versatur est, & cuius lumine, tanquam veritatis radio illustratur, hæc humana nature perfectrix est, rationis beatæq; viæ largitrix, in qua non solum scribarum sedes constituenda est, sed omnium consiliorum domicilium collocandum, sine qua nihil ad illius salutem, tranquillitatemq; nec ad animi sani voluptates capiundas est vile, & sine qua nedum notarij, sed nullius hominis vita, nec sapiens vquam, nec beata esse potest. Philosophia enim omnium mater artium, quid est aliud nisi (vt plato ait) donum, vt ego (inquit cicero primo Tusculanarum) inuentum deorum, hæc nos primum ad illorum cultum, deinde ad ius hominum, quod fitum est in generis humani societate, tum ad modestiam, magnitudinemq; animi erudiuit, quæ quoniam clarissima sunt, & nemo negat omittam, cum tempus breue hoc etiam suadeat, ad poeticamq; transcam: quam notario nostro, quem iam oratorem formauimus, necessariam esse oratores, & ipse cicero demonstrat, sepe enim pacuuij, Ennii, Actij, lucilij, Terentij, ceciliij, & aliorum versus orationibus suis inserunt, summa illa non modo eruditionis gratia, sed etiam iocunditatis, cum poeticis voluptatibus aures à forensi asperitate respirent, quibus accedit non mediocris utilitas, cum sententijs eorum velut quibusdam testimonijs, quæ preposuere cono-



firmant, præterea ex poetarum lectione, (quorum plerique, ut oratorum dialecticorum, & philosophorum, inter scribas numerandi sunt) incitabitur scriba ad ea, quæ maxime expendenda sunt, hoc est, ad laudem & honestatem. Nec hoc notario nostro (ut ille aiebat) dedecus est, nam quam illustres homines sine poetæ omnes sciunt, attestanturque multi, inter quos cicero in. 4. libro de finibus, & in. 1. tusculanarum, dum poetam graue, plenumque carmen sine celsi aliquo mentis instinctu, fonderi non putat, & cum Diuinus plato poetas deorum filios esse dicat, omnesque non arte, sed diuino afflatu, poetam illa præclara canere, poetarumque genus sanctum semper, & dijs amabile habitum est. **BENE.** intellexi platonem poetas à sua Repub. amouere, & tu platonem eos laudantem dicis, at id licet verum sit, quomodo eos ab eodem defendes. **FRAN.** facillime defendi possunt. Nam considerans plato, poetas diuino spiritu, diuinisque tonis, & numeris aures hominum, sensusque corripere, animos promissere, ut illis non possit obsistit, in quamcunque impulerint partem, cum videret plurimos poetarum in puros esse versificatores, omniaque scurrilibus probis miscere à Repub. sua poetas abiecius, sed illos, qui in demulcendis auribus tantum verisantur, hi enim bonis moribus inimicissimi sunt, nec poetas solum, verum etiam pictores, & id genus hominum, & non omnes, sed illos, qui peruersæ, libidinosæ, lasivæ, illiberaliter, & surpiter, aliquid vel facerent, vel scriberent, ne homines quasi per herbas noxias vagantes, paulatim ad id animum adhiberent. Tamen ne à re aberrare videar, dictum istud sufficiat, Platonem nonde poeta oratore philosopho & scriba ut notiter est, loqui, ut dijs fauentibus forsitan latius tibi explicabo, cum tempus aliud à negotijs vacuum datum erit.

**BENE.** Istud opto magnopere, nam nihil est, quod me magis delectet, quam inter nos huiusmodi de rebus confabulatio. **FRAN.** nunc dixisse sufficiat, doctissimum poetarum Genus, apud grecos doctorum antiquissimum fuisse, ut attestatur cicero libro. 1. tusculanarum, in quo multa alia de poetis præclara scribit. Et ut ipse in oratione pro archia inquit, poetica studia omnium ætatum sunt, nam adolescentiam agunt, senectutem oblectant: sunt temporum omnium, nam secundas res ornant, aduersis profugium & solatium præbent: sunt locorum omnium, Nam delectant domi, suauia sunt militiæ, nobiscum morantur, nobiscum rusticantur, quod affirmat etiam quintilianus libro. 1. probans oratorem absque poetica non esse quemquam; grammaticam diuidens in duas partes, in recte loquendi scientiam, & poetarum narrationem, quæ plus habet in recessu, quam fronte promittat: quo minus (inquit) sunt ferendi, qui hanc artem ut tenuem & ieiunam cauillantur, quæ nisi oratori futuro fundamenta fideliter iniecerit, quicquid superstruxeris corruet, necessaria pueris, iocunda senibus, dulcis secretorum comes, & quæ vel sola omni studiorum genere plus habet operis, quam ostentationis, & quis dubitat poetam ipsa natura effingi, (poetæ enim nascuntur) & diuino afflatu fieri: sed etiam scriba notiter musicus, arithmeticus, geometra, & astrologus erit. Nam musica illius animum ab agresti illo, rigidoque sensu, ad urbanitatem flectet, & ne mollitia nimia perfluat, virtute & constantia vinciet. Arithmetica ad accuendum, excitandumque ingenium præcipue idonea est, & mentem à corporeis abstrahit rebus, & ad meliorem sui met visum conuertit, sine qua nec musica, nec geometria, nec Astrologia, aliquid efficere potest. **BENE.** iam



Franciscae (nam nox accedit) nunc hæc missa faciamus, alias  
enim cetera dices, scribamq; tuum perfectiorem formabis,  
nunc spatium aliquo eamus, animi nosiri recreandi  
causa. FRAN. libentissime, nam hoc ego op-  
rabam, iam enim loquendo defatigatus  
sum, eamus, & post alio commo-  
diori tempore finie-  
mus.

CVIVSDAM SCRIBAE SUM-  
NIVM AD NICOLAVM ZI-  
GNAIGVM EODEM  
AVTORE.

**A**ccipe quid vivens in summis viderit olim  
(Quæ scis) scriba, tuis postquā detētus amēnā  
Linquisti patriam studijs, dulcesq; penates:  
Forſitan illius nam delectatus honore,  
Tu scribam fieri Cupies, nec linquere leges  
Te iubeo, nam scriba potest de iure peritus  
Esse, licet legum dictis incumbere solis  
Statuerit, totum & quum consumere in illis,  
Scriba expeditus curis, menteq; quæta,  
Per campos solus, dum longe ex urbe vagatur,  
Campos, antiqui quos iam tenuere parentes  
Olim, tunc animo, & mente, is querere primum  
Artibus incēpit, quibus consummere tempus  
Æui deberet, quibusq; incumbere totus,  
Namq; iugo liberatus eo (nam cetera nundum  
Noverat archana, & quæ te novisse iuvabit)  
Nundum passa iugum, iam iam sua colla subire  
Tempus erat maius longum, & grave pondus habēti:  
Summo cumq; domo vicina in pascua mane  
Et Nemus umbrosum, trabibusq; ingentis opacum  
Pergisset, tetrīs & ad huc extantibus vmbriis  
Interris, parvum postquam sudaute cundo,  
Vicinosq; fuit colles peragratus amēnos,



Optate ipse dedit sedendo membra quieti  
Innixus trunco quercus, scribēq; stupentis  
Obiecit se tunc oculis, iam mortis imago  
Pallentis summus, tum dulci victa sopori  
Membra dedit victus, quę summus vincere nunquam  
Ante acta potuit nocte labente priori,  
Purpurea clarus tunc Rex, auroq; decorus,  
Veste Deus, ciuis summi lucentis Olympi,  
E cœlo ante oculos ipsi descendit, at illum  
Reddebant medium, magna sequente caterua  
Cœlicolum pulchrę comites, illiq; sorores.  
Illi vestis erat splendens, auroq; rubenti  
Regalis, gemmis cœli lucentibus altę,  
Atq; corona caput clarum, distincta smaragdīs  
Cingebat, pulchrumq; manus diuina tenebat  
Sceptrum ingens, arte & multa testante Deorum,  
Diuina & facies illi, diuinęq; membra,  
Diuinus vestitus erat, diuinęq; circum  
Aethera spirabant, diuinus deniq; rotas.  
A Desiris virgo pulchra est, pulcręq; iuuenta  
Pulchrior, & ipsa est diuina, altiq; tonantis  
Filia, candenti & clara circumdata palla,  
Alba pedes, atq; alba caput, candensq; coronam,  
Totaq; splendebat, per longe candida tota,  
Atq; sui similis, turpem leuissima labea  
Nec reddebat eam, sed cœlo clarior ipso  
A desiris erat, & regem comitabat euntem.  
Illi parte alia stabatq; simillima virgo,  
Vestis quam similis tegebat alba decoram,  
Ambę diuinis oculis, vultuq; modesto,

Illum spectantes, at Rex, albęq; sorores,  
Ad scribam mouent lento vestigia passu,  
Acceduntq; prope: tunc Rex sic ore locutus,  
Maeste noua virtute puer, nobisq; virorum  
Mille inter tot carus, & alter carior omnes,  
Neu timeas, ast ipse puer mirabere forsam  
Cur diuina cohors nostra hæc, delapsa sereno,  
Cœlo, ad te venerit nunc, sed iam desine quęso  
Pertubare animum iuuenis iam iamq; labentem,  
Nam ni sancta ferunt ad terras numina nunquam  
Ergo audi in terras quę nunc foelicia porto  
Cœlicolum non forte minor, sic ore locutus  
Illius accepit dextram, & solatur amicis  
Dictis ancipitem, & quoq; nunc diuina stupentem.  
Tunc deus est clara, ac est manifesta tuorum,  
Anceps summa mihi, & voluntas consiliorum,  
Quod genus & vitę, mortisq; artisq; sequaris  
Tu decreuisti nundum, nam scribere semper,  
(Quod fuit atq; tui proprium, primumq; parentis,)  
Nundum laudasti, nundum cognoscere veram  
Nequistiq; virũm vitę, certamq; quietis.  
Fac igitur animam teneas, ab æthere summo  
Descendisse tuam, & summi formata deorum est  
Voluntate patris, cœliq; simillima clari  
Diuis, sed postquam cancrum relinquit, & imas  
Incepit terras habitare, ingressaq; corpus  
Est, vera & sancta è tunc libertate deorum  
Ebrietate noua trepidans sic serua, fugitq;  
Diuina, ac haurit tunc cœli obliuia longa,  
Postea sed studiis partem reminiscere datum



Est tibi eorum quondam, que ne noveras ante,  
Cuius vera quies, vita & reuertere cœlum est,  
Atq; iterum has habitare domos, quas linquerat ante.  
Quod datum est illis tantum, que corpore strictæ  
Terrena relinquunt opera, & cœlestia semper,  
Atq; imitantur, agunt, semper cœlestia querunt,  
Vt igitur possis cœlum hoc habitare serenum,  
Atq; Galaxian, nostrumq; habitacula cœli,  
Expedi & totum te non sordescere facta  
Corporea, & terrena simul, sed fonte rigatus  
Virtutum, cœlum nec deseruisse videris:  
Artem inter similem & vestras elligere totas,  
Rectori summo, dominoq; micantis Olympi,  
Sed quia mortales nulla est perfectior inter,  
Artes illa cui quam præsum, quamq; priores,  
Exercere tui, & nulla est illustrior, atq;  
Nulla est, que à terris ad cœlum errigere clarum  
Mortales possit, vestrorum & tollere mentes,  
Artem igitur nostram exerces, sed dicere primum  
Mens est, qui sim, sit q; mea coniunxq; sororq;  
Quas vides, mentem nostramq; apperire videnti.  
Sum septenus ego diuus, cœlestia & ipse  
Natus summo habitans è patre habitacula cœli,  
Et scribis præsum, & doceo omnes scribere scribas,  
Virgo hæc quam vides, nostra est dulcissima coniunx  
Retinet & patris formam, hæc è monade summa  
Nata est, que mare que terrasq; flectit Olympum  
Nutu, quam cœli stelle, & cœlestia adorant,  
Hæc soror est nostra, illamq; ipse ego monade sola  
Vinco, cœlicolum sola pulcherrima virgo

Diuarum, cœlum vincens splendore serenum;  
Bis sequitur bina & bis sancta, collendaq; virgo,  
Que nunquam cœlum nisi sociata mearum  
Quibusdam linquit, namq; extrudere stupentem  
Illam extra hunc mundum mortales deniq; totū,  
Et mortales omnes conspectus fugit, illa at  
Solum habitat diuos inter, scribasq; togatos,  
Nec referam istorum sociorum nomina nostrum:  
Sed nunc, iam missis his, artis dicere nostræ  
Incipiam laudes, maiestatemq; decorem,  
Queque tibi sit dicam ars hæc paucisq; docebo,  
Ipsa est cœlestis summi donata parentis  
Missa ad mortales mundi cœlestis imago,  
Que patrem in terris referat cognomine sanctum  
Atq; instrumentum totius integritatis  
Sit, totos inter populos, interq; togatos,  
Nam licet à summo tractentur omnia patre,  
Atq; in solius consistant omnia nutu,  
Ipse regit rerum multarum maxima partem,  
Per que decreuit plura instrumenta, ministros,  
Hinc dicunt orbis cœlorum flectere vestra,  
Inferiora suis causisq; exire supremis,  
Vt igitur rector cœli est, & causa sereni  
Maxima, quiq; regit solus magna omnia, quisq;  
Officio fungi docet omnes, atq; decore,  
Quenque vi exemplar querunt imitare deorum  
Recti homines, illi inquo contemplare micante  
Possunt virtutes omnes, causasq; bonorum,  
Sic scribē in terris moderantur omnia, sicq;  
Sunt hominum causę verę exemplarq; bonorum



Et sunt scribarum regna hæc, vrbesq; viriq;  
Nulla interq; omnes artes attingere sanctam  
Nobilitate potest scribarum, nullaq; toro  
Vnquam est inuenta hac nostra perfectior orbe;  
Artes quid retinent aliq; nunc namq; decoris,  
Et laudis, totum à nobis mutantur honoris,  
Et quasi sol claras omnes sui lumine reddit.  
Vtq; oculis clara hæc sint manifesta tuisq;  
Demonstrabo locum, quo totam viuere vitam  
Sunt soliti scribæ, qui terræ corpora relinquunt,  
Et dicam cœli sedes, & gaudia læta,  
Post mortem quibus gaudent vitæq; beati,  
Et postquam in cœlum iam migrare priorem,  
Vt statim sursum ferrisq; & tendere possunt.  
Aspice cœli alta clara atq; habitacula clari,  
Vltra solem, lunam & claram, & sydera stellas  
Errantes, prope aplanem, & cœlestia Regna  
Vnde omnes facile videntur sydera cœli,  
Ac vbi stelliferi cursus auditur acutus,  
Lunarisq; grauis, dulci modulamine cantus,  
Hæc est scribarum sedes, eo pergere datum est  
A superum summo scribis, ea data facultas.  
Est tibi pergendi, si nostra hæc facere dicta,  
Vtq; & volueris veram decernere partem,  
Contemplantur vbi patrem omnipotentis olympi,  
Tumq; hominum diuumq; simul, cum cœtera clari  
Numina, diuina cœli quoq; vera micantis,  
Vnde his accedunt ingentia gaudia quæq;  
Non possunt terræ mentes videre virorum,  
Namq; bona hac facie in illius maxima vident,

Cognoscuntq; sua illi hinc omnia nascere recta,  
Artem igitur nostram capies, nostramq; sequare  
Mentem, ac nobilius totis hunc artibus, atq;  
Sanctum exercitium, sedemq; expecta deorum,  
At dum in humanis vitam agis, victaq; fruaris  
Exerce, & dic, quæ diui dixere, tibiq;  
Mandauere tui memores, memoresq; tuorum.  
Vnde anima hac possit tua tetra morte resurgens,  
Cœlicolum sanctorumq; alta habitacula patrum  
Ire, & supremas sedes penetrare deorum,  
His dictis terram linquit, cœlumq; petiuit,  
Et scriba est summo tunc expectatus acuto.

F I N I S.



The scope of human mind expands the realm  
 His gifts remain undimmed, enduring, bright;  
 He is the human intellect's desire;  
 Creating languages, his noblest power;  
 Vast treasures hold his mind, more rich than kings;  
 Endowed with memory, mankind's crown;  
 Like the great sun, that day and night  
 A gleam in human vision, light  
 Informs the world, his shining light;  
 A human mind can create, nobly and well;  
 O God, though in this human nature dwell

18117

